


Кимки кечқурун Бақара сурасининг охирги икки оятини ўқиса...



16:30 / 10.03.2023 1901

Үйқудан олдин Оятал Курсий, Ихлос сураси, Муаввизатайн, Бақара сурасининг охирини ўқиши мустаҳабдир. Бу эътибор қаратиш муҳим бўлган ва таъкидланган ишлардандир. Бу борада бир неча сахих ҳадислар ривоят қилинган.

Икки сахих тўпламда Абу Масъуд Бадрийдан ривоят қилинади: «Расулуллоҳ соллаллоҳу алайҳи васаллам шундай дедилар: «Кимки кечқурун Бақара сурасининг охирги икки оятини ўқиса, унга кифоя қиласди». Бир жамоа уламолар «кифоя қиласди» деган иборани «кечаси қоим бўлишга кифоя қиласди» деб изоҳлайдилар. Бошқалар эса «кечаси етадиган ёмонликларга кифоя қиласди» дейдилар.

Оиша розияллоҳу анҳодан ривоят қилинади:

Набий соллаллоҳу алайҳи васаллам ҳар кеча Ихлос сурасини ва Муаввизатайнни ўқирдилар.

Али розияллоҳу анҳудан қуидаги ривоят келтирилади:

«Исломга кирган ақлли бирор инсонни оятал курсийни ўқимасдан ухлаганини кўрмаганман».

Али розияллоҳу анҳудан қилинган яна бошқа ривоятда шундай дейдилар: «Исломга кирган ақлли бирор инсонни Бақара сурасининг охирги уч оятини ўқимасдан ухлаганини кўрмаганман».

(Бунинг исноди Бухорий ва Муслимларнинг шартига кўра сахиҳдир.)

Үқба ибн Омир розияллоху анхудан ривоят қилинади:

«Расулуллох соллаллоху алайҳи васаллам менга: «Бирор бир кечани Ихлос сураси ва Муаввазатайнни ўқимасдан ўтказмагин», дедилар. (Шундан кейин) мен бирор бир кечани Ихлос сураси ва Муаввазатайнни ўқимасдан ўтказмадим».

Иброҳим Нахаъийдан ривоят қилинади:

«Улар (аввалгилар) ҳар кеча ана ўша уч сураси (Ихлос сураси ва Муаввазатайн)ни ўқишиликни мустаҳаб билардилар».

Яна ушбу кишидан ривоят қилинади:

«Улар ётоқقا ётган вақт Муаввизатайнни ўқишни таълим берардилар».